

靜軒筆記卷八

劉文莊公遺書

周禮為洛邑而作

周禮一書為周朝立國成憲雖歷代諸儒疑真疑偽聚訟不休而自古相傳以為周公所作深入人心未之能改也

鄭樵引孫處之言以其建都之制不與召誥洛誥合封國之制不與孟子合謂周公之為周禮亦猶唐之顯慶開元禮預為之以待他日之用實未嘗行也其立說頗具獨見

四庫提要推言左傳所言禮經不見於周禮而儀禮聘

禮賓行甕餼之物禾米芻薪之數籩豆簋簋之實鉶壺
鼎甕之列與掌客之文不同大射禮天子諸侯侯數侯
制與司射之文不同禮記雜記載子男執圭與典瑞之
文不同禮器天子諸侯席數與司几筵之文不同斷言
周禮作於周初東遷以前三百餘年沿革損益不知凡
幾因舊章稍為改易而改易之人不皆周公也於是後
世之法竄入之其後去之愈遠時移世變其書遂廢此
亦如後世律令條格率數十年而一修修則必有附益
特世近者可考年遠者無徵其增刪之迹遂靡所稽統
以為周公之舊耳迨於法制既更簡編仍在好古者留

為文獻故書閱久而仍存此又如開元六興政和五禮
當代已不行用而今日尚有傳本不足異也其比例尤
為近似

之二說者僅就其迹之著者考之而未從其理之宜者
求之雖有所得而未盡然也

太史公曰學者皆稱周伐紂居洛邑其實不然武王營
之成王使召公卜居之居九鼎焉而周復都豐鎬書序
稱成王在豐欲宅洛邑使召公相宅周公往營成周世
傳周公作周禮即在此時是書經畫新邑居天下之中
可以盡九畿之地當時八方向化唯所用之無不如志

非若舊都迫狹又偏於西方不易施展也蓋豐鎬之境
周家世代居之人烟稠密如強取其所有而為鄉為州
為黨為族為閭為比或為遂為縣為里為鄰又別其地
為國中之地近郊之地遠郊之地甸地稍地縣地甸地
又分為廛里場圃宅田士田賈田官田牛田賞田牧田
公邑之田家邑之田小都之田大都之田又為田為萊
為不易一易再易之地不特煩擾而且苛碎安有望治
之理盤庚以水患遷民猶致眾怨太王以避狄居邠告
其耆老並不趨之從己周公於殷為戰勝之國頑民徙
洛尚善言撫慰至於再三矧於其兄弟甥舅之邦而施

以峻令周公之禮庸詎若賈似道之王田哉

至於朝市宮廟之土木井邑邱甸縣都之建置經畛塗
道路之交通遂溝洫畚澮之水利廬宿與市之設備雖
以秦始皇之築長城隋煬帝之通刊溝工役不敵其什
一豈剋期所能竣功故洛邑經營之中王都仍在豐鎬
厯成康昭穆共懿孝夷厲宣幽平十二世幾三百年乃
有東遷之事必得如是之久而後殷民之移於新邑者
世代耕周田食周粟始盡忘其祖甘心臣服於周而齊
魯列邦乘其耀兵海隅滅國五十之威以拓殖於東漢
陽諸姬繼江漢化行之後以生聚於南燕晉兩國為輔

車相依之勢作屏蔽於北其立國之地皆空曠之區易以分畫其君與臣皆出自周均我種類其所分殷民各族悉已歸化變為土著其千來之國百來之家所秉周禮行之十世以上漸臻純熟與王畿遠近銜接呼吸相通雖境過情遷日有損益而封建井田之天下至春秋列國而規模具在至戰國七雄而迹象猶存非周公之才之美曷克臻此

周禮為未成之書

遙想周京景況嬪御奄寺飲食酒漿衣服次舍器用貨賄皆領於大宰王之膳服不過關市之賦而九式有羞

服之式為大宰所均節是虛君共和之國體也大宰掌
建邦之典六官分職悉隸其下是責任內閣也非天降
下民作之君師時代所宜有官數二萬五千二百六十
五人國中以至鄉遂學校三百七十有奇與區區之庶
殷戶口不能相稱歲計月要日成三年大比四時各一
小比簡閱民數財物以九章算術言之未必有此精密
之統計山林數澤各有貢賦似難施諸筆路藍縷之境
小司徒案驗戶口登財物之數司隄司稽巡市脩閭氏
比國中野廬氏比國郊及野皆選士卒充其數為之版
日夕按其名籍而比之司市治市亡者使有利者使阜

害者使亡靡者使微樹之林達其道路作漏井以出穢
物名曰井區三千年前市政焉能若是美備器具焉能
若是精良都鄙行井田法九夫為井四井為邑四邑為
邱四邱為甸四甸為縣四縣為都近畿六鄉六遂行溝
洫法夫間有遂遂上有徑十夫有溝溝上有畛百夫有
洫洫上有涂千夫有澮澮上有道萬夫有川川上有路
以達於畿似此整齊畫一微特侯國奉行未必恰當如
公羊宣十五年何注魯什一稅五口一家管子治齊作
內政寄軍令商君書來民篇惡田良田十分之六似是
秦法左襄二十五年傳楚有九等土田之事漢書食貨

志魏李悝盡地力之教與此書多不相符即成周之境
恐難實行普及否則東西周雖分何至有爭水之事哉
九峯蔡氏曰周禮為未成之書斯言也吾則信之

秦廢阡陌非秦廢之岐周之境本無此制也讀周禮者
宜以地理之關係風俗之狀況文化之推嬗融會而參
考之而是書之大綱可以思過半矣

九穀

天下事有不可過於求深者九穀之中南方宜於稻人
人食米農夫耕田惟此是務長江上游有一年三種者
有一年兩種者吾皖沿江一帶地勢較低有種早稻一

次晚稻一次者殊不多見大率一種而已惟良田沃壤
秋稼之後尚有麥菽之利故人知有稻麥而不知有
他學者囿於見聞言及五穀六穀九穀僅識其名雖旁
徵博引累數萬言與實事距離益遠北方宜麥視為上
等食品田間兼種黍稷以待傭工者磨之為粉製為糗
餌蒸熟切食其富有黏質與書籍所載畧同他若製酒
用梁製餅用大豆製糕用小豆績用麻菽用苽九穀之
屬應有儘有如謂今之所謂黍稷粱者非古之黍稷粱
而別求其物以實之則非所敢知矣

九兩

注兩猶耦也御覽職官部引舊注云兩耦合之言說文
內再也兩為兩之借字廣雅釋詁兩耦二也易說卦傳
及漢書律歷志上參天兩地注皆謂耦也釋名釋親屬
耦遇也二人相對遇也是兩有對耦之義一曰牧其對
偶為群後建其牧注云侯伯有功者加命作州長九州
之長人群之牧每州各有大封域故以地得民二曰長
其對偶為幼王制孔疏引皇侃云人君養老有四種一
三老五更一子孫為國難而死者之父祖三致仕三老
四引戶校年庶人之老同屬長長而長者之中自有次
第孟子以挾貴與挾長並言是長者之尊非徒以其年

也必以其位故以貴得民三曰師其對偶為弟孔子曰
三人行必有我師焉內則獻其賢者於宗注賢猶善也
文選東京賦必以肆奢為賢薛注賢善也善與賢同訓
故以賢得民四曰儒其對偶為徒說文儒柔也術士之
稱漢書相如傳注同國語過五日道將不行韋注道術
也故以道得民五曰宗其對偶為親大傳云別子為祖
繼則為宗繼禰者為小宗白虎通宗族篇云宗其為始
祖後者為大宗百世之所宗宗其為高祖後者五世而
遷遷於上宗而易於下宗宗其為曾祖後者為曾祖宗
宗其為祖後者為祖宗宗其為父後者為父宗親親尊

祖尊祖敬宗敬宗收族有相聯之誼故以族得民六曰
主其對偶者為賓大戴禮曾子問弟子或將之晉曰吾
無知焉曾子曰往矣有知焉謂之友無知焉謂之主孟
子曰吾聞觀近臣以其所為主觀遠臣以其所主蓋行
李往來共其困乏實利賴之故以利得民七曰吏其對
偶為民說文吏治人者凡書中親民之官自王而下公
卿大夫以至一命之士自畿內邦國都鄙以及諸侯之
國尊卑大小官府之治皆謂之吏故以治得民八曰友
其對偶為朋易象下傳君子以朋友講習論語與朋友
交公羊定四年傳朋相衛注同門曰朋同志曰友朋友

宜於有信信則人任焉大司徒六行注任信於友故以
任得民九曰數掌數之官曰虞其對偶為衡澤虞職云
使其地之人守其財物以時入之於玉府頒其餘於萬
民故以富得民如僅釋一面覺與上文兩字不能相應

以禮待賓客之治

上文以典待邦國之治即太宰之六典也以則待都鄙
之治即太宰之八則也以法待官府之治即太宰之八
法也以官成萬民之治即小宰之八成也以禮待賓客
之治即大宗伯之五禮也周禮六卿領於冢宰雖五官
之屬亦在通職聯事之中鄭注以為賓禮失之

宮刑

小宰之職掌建邦之宮刑以治王宮之政令凡宮之糾禁按太宰八灋大司寇五刑皆有宮刑而無宮刑惟司刑所掌五罪之中宮刑列第三似不能以此為政令之名且宮刑為腐刑御覽引盧植禮記注公族無宮刑禁院之內宜諱言之下文觀治象乃退以宮刑憲禁於王宮皆應作宮刑至王宮之政令凡宮之糾禁宮仍作宮無須讀破杜子春以此節之宮字及職末二宮字均當為宮鄭注賈疏以宮刑為宮中之刑均失之

酒正之出日入其成月入其要小宰聽之歲終則

會

鄭注受用酒者日言其計於酒正酒正月盡言於小宰按日計月要歲成為周禮官府之制六官之職皆然至用酒者之日計彼自為之不能以為官成也

正歲

周公制禮豈有用夏正之理然周改正朔不改四季以三月四月五月為春六月七月八月為夏九月十月十一月為秋十二月正月二月為冬如今之西歷季自季月自月也周蓋兼用陰陽歷以陽歷紀歲以陰歷記月參考群書可得而證焉內宰歲終則會內人之稍食國